


四鎮三關志



纂修邊誌檄文



欽差整飭密雲等處兵備山東布政司右叅政兼按察司僉事王 為纂修邊誌以垂永久事蒙

欽差總督薊遼保定等處軍務兼理糧餉都察院右都御史兼兵部右侍郎劉 會同

欽差整飭薊州等處邊備兼巡撫順天等府地方都察院右副都御史楊 案驗前事照得

國家定鼎幽燕切鄰虜穴而薊昌遼保四鎮實惟心腹肘腋重地自嘉靖庚戌而後虜患益熾議論彌繁每遇軍國大計如聚訟于庭築舍于道意見各

殊紛然莫定以案牘不存文獻無徵故爾夫

畿輔邊關延袤萬里錢穀甲兵不啻百萬而事體紛然卒莫有定并去其籍而莫之考焉非缺典與今幸

廟謨日宣先後承事諸臣經畧亦密華夷漸至又安戰守頗收實効一代章程蓋浸浸備矣茲欲纂集邊事輯而成書以便檢閱似不可缺除已咨行保定巡撫都御史孫 遼東巡撫都御史張 及行各兵備道知會外為此案仰該道即便會同四鎮各該兵備將薊昌遼保自設鎮以來一切官吏城

堡兵馬錢糧章奏條約地險夷情等項各該設立
處置贏縮沿革緣由并一應未盡事宜務要細加
查議分門析類開列明白大率以大臣閱視之後
為止應修誌書作何纂集應委官員應聘生儒應
于何處調取應用錢糧應于何項銀內動支通議
明確開呈前來以憑定奪施行等因蒙此除遵照
外為照纂修邊誌乃文獻大典安攘永圖應合請
詳候示石畫以便遵守為此今將前項緣由理合
具呈伏乞

照詳施行須至呈者

四鎮三關誌

檄文

二

甲十五

巡按直隸監察御史王 批腹內郡邑猶各有誌
况邊關重鎮詎可缺此該道速將應動錢糧并各
項事宜詳議停妥仍候

軍門詳示報繳

欽差巡按直隸等處監察御史余 批纂邊誌誠美舉
也候通詳施行繳

欽差提督學校巡按直隸監察御史傅 批邊關無誌
誠為缺典該道查議編集務裨文獻足徵安攘永
賴繳

欽差督理印馬屯田巡按直隸監察御史梁 批邊誌

誠文獻安攘攸係也即宜銳然舉行本院將樂觀厥成矣此繳

欽差巡按直隸等處監察御史解 批一時纂輯之典
可以裨萬年安攘之大計矣宜亟行之仍候通詳
施行繳

欽差提督京通等倉兼理通惠河事務巡按直隸監察

御史鮑 批候

撫按衙門詳示施行繳

欽差整飭密雲等處兵備山東布政司右叅政兼按察司僉事王 為纂修邊誌以垂永久事行據密雲縣申蒙本道憲牌仰縣即便議處原任副使劉寓所本城并石匣營二處一應供帳使令人役之類即計處停當仍轉行守備并密雲中衛一一預備施行先將議處過緣由作速開報依蒙查得本城武學一所原設家活俱備堪充寓所本縣仍處門厨夫皂其牢伴人等已經移文守備撥用查得供應之類卑縣欲行獨備但錢糧無處恐難支持除本縣先借支銀兩備辦待誌書纂有次第通行

各處均難補解等因具申到道案照先蒙

欽差總督軍務都察院右都御史劉 憲牌前事仰該道即將官生高懿厚等坐各聘耿以充分校之任及照原任副使劉 已經禮請期在冬初可到其本官寓所并一應供帳使令人役之類即計處停當速行守備衛縣等衙門一一預備施行蒙此已經備行該縣查議去後今據前因為照修誌重務一切供需宜當早備今據密雲縣議報前來照得纂輯開局必求靜所似以武學為便合用器皿之類及日用供應下程總修者每日酌計足用紙張

筆墨預買備用置簿登記候用過者作數以上諸
項伏候本院部裁定詳示備行該縣遵照查動無
碍銀兩先行借支候書成之後總計用費實數分
派各鎮道攤處解補再照事方創始供應尚易若
各鎮分校者俱集則供應必得專官庶事有責成
掌記亦便合無候

本院部先行選能幹官一員專司供應於密雲縣
支給銀兩本道給發印簿隨所供辦逐一登報事
完之日通將各項支用物件細數一併造冊類報
以便查考惟復別有定奪本道未敢擅便擬合呈
請為此今將前項緣由同原蒙憲牌理合具呈伏
乞

照詳施行須至呈者

欽差總督軍務都察院右都御史劉 批供應事宜悉
依擬行候完日通行各鎮道攤補司供應者即以
經歷傅尚智充之繳

修誌姓氏

提調

前任密雲兵備副使王之弼

貢士陝西涇陽人

見任密雲兵備叅政錢藻

進士直隸如皋人

纂裁

原任陝西按察副使劉效祖

進士武驤左衛人

經理

密雲管餉通判衛重鑑

山西陽城人

前任密雲知縣邢玠

進士山東孟都人

見任密雲知縣張世則

進士山東諸城人

四鎮三關誌

姓氏

一

甲十九

編校

密雲儒學教諭高懿厚

監生順天府人

大城儒學訓導徐士毅

監生直隸繁昌人

遵化武學教授汪應鳳

生員直隸歙縣人

密雲武學提調劉遠圖

大寧都司都指揮直隸唐縣人

密雲武學科正吳道行

鄉試武舉直隸江都人

軍門聽用鎮撫蔡時宜

浙江鄞縣人

軍門聽用生員黃敬銘

江西宜黃縣人

軍門聽用生員劉九思

山東寧海州人

監刻

原任 叅將 楊秉中 荊州衛人

密雲縣縣丞 王希武 監生山東益都人

密雲武學科正 郝 鸞 鄉試武舉京衛人

供給

興州後屯衛經歷 傅尚智 河南項城人

密雲中衛科歷 朱朝卿 浙江嘉興人

密雲縣典史 候尚德 河南洛陽人

效祖曰是舉也撫院曲周王公曩以觀察在檀始受事即矩矱型範於余多指南焉今秩益崇責益專眎志務益急不淺功德當與二督府公並稱益

四鎮三關誌

姓氏

二

甲二十

不敢具列之也

四鎮三關誌凡例

一茲志以一統志為章程蓋

皇明制書經館閣裁定文簡事核詞嚴義正即周書夏訓之典場也乃今諸家結撰不盡率由或以沿革為表或以賢才為傳或職官為表又有志或選舉有志又為表雖其文采蔚然可觀於志體安所裨益乎生今之世反古之道余不敢有成心焉茲志總題曰志其條目猶謂之考若曰一方之書搜括未精遺軼不免即有述亦備他日采以為故實耳矧關鎮之務係

四鎮三關誌

凡例

一

甲廿一

國家大計戈舂指測其誰敢遽以為然乎

一茲志專為邊政固地理事也其以分野屬建置中者易曰在天成象在地成形伏羲氏仰觀俯察未嘗不對舉為言固知分野雖涉天文則地理中占候事耳自周禮保章氏以星宿分九州之野蓋亦合天地而擬議之豈以為二事乎

一關鎮志與郡邑殊致郡邑所載風俗物產戶口田糧之類形似如雲乃關鎮所當急者獨疆場城塞兵馬芻糧耳勢不得饒饒曼其他

兵馬芻糧原無定額故每歲裒益不同今斷自萬

曆元年以閱視汪司馬入告之數為準即後有因時增損要之於正額不相縣也稽程案籍出納者庶免乾沒之嫌

一四鎮邊關多以山川為馮翊稍涉平陸者始有走集以補綴之然人力不如地利設險不如據險故於名山大川凡去邊陲咫尺皆載之其靡所資藉者不概入

一歷代統紀以正統書上方其他竊據如魏遼金皆次書之尊中國而外夷狄在邊鎮不得不嚴也至宋盡元亦大書以天命有歸如

皇祖所謂沙漠真人亦安可廢之然名家諸志發藻程才者皆敷衽焉非自余始

一總督臣裒然四鎮師表上谷志不列之部署而以經畧見謂其駐節有時無定員也然今常駐節矣亦有定員矣故仍以總督為首而百寮以次列焉庶可以昭統攝千里之意

一舊制五載或九載

朝廷簡重臣經畧九邊即暫命總督之意今既設總督而經畧大臣顧又不廢蓋

國家加意外防不嫌於推轂之頻仍耳今以總督列

之部署經畧重臣於今制下隨事見之如戊己不為特書云

一四鎮獨昌薊鎮事為詳真保遼鎮俱以名山竹素更置無多昌薊自庚戌歲增兵益餉案牘填委且十倍二鎮矣多者不能衷少者不能益非有掎撫於其間也

一所據各鎮舊志入者十七而間采邇年新增事十三中有有其事而顛末^未之詳或詳其事而年月不可知者皆缺之以俟補綴云

一郡邑志析名官鄉賢為二官不論尊卑績不問微

顯有善必書有能必錄以廣搜羅備文獻也邊鎮志則以經畧為重武功次之馳譽炳靈皆不出閭域之內故總謂之才賢其有宅桑梓而附燬害者亦不妨胡盧入焉

一才賢惟^以蓋棺論定為據舊志雖載而論未定者損之輿論既定而志未載者增之要以讐論古人寧刻毋恕寧深毋淺斯揆事之體乎至若碩輔鉅公其人存其政舉者不輒入防導諛也

一武臣以勒燕然封狼居胥為上功不得已而馬革裹尸者抑其次也然亦詢其果以孤軍拒虜血戰

捐生者始憐其不幸而收之以示不泯若輕敵寡謀知不免於坐法而傳刃腹中者即千萬其人若鴻毛矣何可與死事者並列

一諸目所載原非判然二物今於分類之中兵馬芻餉疆場山川不免有始卒相根株者如欲分類程氏遺書言仁處或說義言性處或說命有不免耳要之各以其大義為主不妨於互見云

一諸目所載原蒙鄙之見考索未詳故不無關畧舛訛之失然邊鎮專言一事其言腹裏事而稍及邊鎮者不敢摘入即言邊鎮事非四鎮所應有者亦

不敢泛入沿革及前紀中載魏遼金元事多以此地為號閩之區經理蕃而封植密勢不得芟刈之也

一志為邊鎮作總督在薊切近宸居諸凡征繕所由始故以薊鎮為首次昌鎮次真保人次遼東以內外為重輕非以遠邇為先後也且真保鎮之以順德一郡亦有關隘何可緩頰其河間廣平大名三郡封疆雖少偏介而邦畿千里並稱三輔雄圖固非風馬牛不相及也故於建制中崖畧及之一才賢之紀當括古今而並著之但遐陬偽統即有

表樹者亦歟赫赫聲且前紀中隨事已有李緒之
之評矣今斷自我

朝為始不敢尚論古人焉

一題奏之外復有集議者以其塵譚亶亶有關於措
注而未經設施即有設施而未獻之 丹宸者不
可以其紛紜陸落不誰何之也要將封疆之臣博
采而慎用之於廟勝不無少裨也

一中國之書不當附載夷部第為邊防紀事其所言
者皆為攘夷狄也設不紀其種落之眾寡道里之
險夷則何以得其縻要而腦幕沙髓余吾哉且我

四鎮三關誌

凡例

五

甲廿五

朝王會有圖異域有志亦以昭柔遠之盛治未嘗以
其蒸報有所畧焉

一四鎮輿圖總括諸郡邑盡必路莊馮之概計府八
州十六縣一百一十五茲不盡載者以非郡邑專
志有難於鐫勒者以是近邊諸郡邑亦不得部析
而標入

一志為四鎮簿書至蠶蛸今撮其綱為十目為三十
懷軸椎輪被飾自難全涌也即諸部使先後經畧
緇帙縹囊何論充棟其所得存者千百之什一耳
若以遺逸見詆呵余請投管負荆所不辭焉

四鎮三關誌目錄

建置考

圖畫

分野

沿革

形勝考

疆域

山川

來障

軍旅考

四鎮三關誌

目錄

甲廿六

版籍

營伍

器械

糧餉考

民運

市帑

屯糧附益法

騎乘考

額設

兌給附互市胡馬

賠補

經畧考

前紀

今制

雜防

制疏考

詔勅

題奏

集議

職官考

四鎮三官誌

目錄

部署

文秩

武階

才賢考

勲勞

謀勇

節義

夷部考

外夷 附入貢

屬夷 附入貢

入犯

四鎮三關誌

目錄

甲廿八

四鎮三關誌卷之一

建置考

四鎮建置總論

效祖曰

國家定鼎燕畿景亳幅隕岐豐式廓誠握居重之要
樞至

成祖文皇帝三犁虜庭於邊塞之險夷尤屬意焉其語
金幼孜等曰今滅此殘虜惟守開平興和寧夏甘
肅天寧遼東則邊境可無事其後以大寧界兀良
哈逐令遼東與宣大聲援閼絕至貽今日之衅日

四鎮三關誌

建置

一

甲

增月孟者豈守在四夷

成祖推赤心以置三衛之夷即二百年來久為儲胥亦
藉其效用力耶假使當時不畀三衛而我自為防
凌夷以至今日能保三衛之夷終不詆誆回邪犯
我疆場耶是未可知也今自四鎮郊圻封守敘列
為圖稽之分野具其沿革作建置考